

編號 1 號

【自家大自家】林伯殷原作

該儕人係麼个人士？仰會電視逐日有廠新聞？仰會有恁多人請佢簽名？又仰會有恁多人聽佢演講？敢係哪齣電影个明星？還係哪個有名个歌星？抑係哪種職業運動个球星？全毋係。佢係一間當有名个公司个執行長，佢來臺灣摶大家分享人工智慧个發展，同時間，還有當多其他重要晶片公司个執行長，也來到臺北參加這擺个電腦展。仰般佢兜會訂工對外國來到臺灣呢？當然有佢兜个理由啊！該就係，臺灣有全世界最先進、最完整个晶片製造系統！

在世界晶片分工系統裡肚，臺灣最強个部分係晶片製造，差毋多，最新設計个晶片，全部都交分臺灣來生產。現代晶片个發展係越做越幼，功能嘅越來越強。晶片製造公司為著愛開發新个製造技術，輒常愛投資大量个資金，集合幾下百、甚至幾下千儕來做研究，就係講，愛大自家為共同个目標來打拚正有法度做著，這摶單淨倚恃自家一儕人煞猛去做，有當大个爭差。

故所，有名个晶片公司執行長毋會淨強調自家公司產品个成功定定，還會記得承蒙好得有臺灣恁湛斗、恁有紀律个晶片生產

團隊來幫襯。見擺上下班時間，想著該恁多在科學園區來來去去个人，就知，係無大自家个努力，臺灣仰會有恁好个晶片製造能力，仰會恁受著國際个肯定？

隨等晶片个用量緊來緊大，恁多年來，幾多原旦係客家人耕種个山林、田坵既經變做電子廠摶大樓，想看一下頭播播仔做事个農家人，來思念自家个長輩就無恁該。毋過，這種自家認分，頭播播摶事情做好、堅耐个精神，對農業時代變到資訊時代後並無失忒，就像人也毋識離開過原來个所在，還係日合夜繼續留在廠房裡肚。這兜摶臺灣合作个晶片公司執行長，認為佢兜堅耐个傳統，就係臺灣晶片製造个成功基礎。

現代工業產品既經無法度離開晶片也，臺灣个晶片公司也去到美國、日本、德國等等先進國家設廠，佢俚个工程師也就跨等去到世界各地。大自家摶晶片製造技術傳揚出去个時節，乜分人更加有機會，做得來感受著臺灣人自家个堅耐精神。

編號 2 號

【坐米籬沾屎脰】徐姿華原作

頭擺，阿爸在河壩埔有一埕地，種枇杷同鴨哥桃，還有幾下個莊肚个阿叔、阿伯也在該位種兜仔楊桃、葡萄、李仔這兜。

河壩个枇杷園較平洋，好做事，毋過，愛去河壩園還有一項挑戰，就係愛坐流籠過河壩；河壩水大又急，有三、四十公尺闊，這兜阿叔、阿伯也識探過幾下到竹笕橋，毋過毋使幾久就會分水打走。高不將，大家出錢出力拉一條鋼索做流籠，正起勢係用大米籬編麻索，過秦鐵線圈做流籠，還愛用人力拉；尾下，正改用電動个白鐵籃仔流籠。

第一擺坐流籠又驚又好，阿爸先溜過河壩埔該向，阿姆同流籠拉轉來，佢揪核索仔喊佢入米籬肚坐好，過咁同做事愛用著个傢啦伙、水同飯包，做下放入米籬肚，就同阿爸搵手，順續仔同米籬挺出去。該流籠溜當遠，一下仔就溜到河壩中央，佢嚇一下「噉」到大嚇聲，阿爸在該片煞力拈拉，同佢拉到厥身邊。等嚇到面壩青个佢踏出米籬，還過同東西拿拏了後，就換阿爸同阿姆搵手，阿姆就同流籠拉轉去，正坐等流籠同阿爸兩片向拈拉，當遠就過河壩咧。

萬事起頭難，有經驗了後吾膽就較在哩，曉得享受坐流籠个趣味哩！該咻聲仔，就溜到一、兩十公尺遠个刺激，好比這下个雲霄飛車；去河壩園搵手，有好坐兩轉个流籠，這係分佢盡好个獎勵。

熱天个下晝頭，輒常會打風馳，雨若較早落，佢兜就歇睏一下等雨停再過做，若係雨較暗正落，阿爸就會放工轉早夜。有一擺，四點空仔就落大雨，阿爸看做毋成事咧，就喊大家收收啊，愛轉哩！

去到流籠頭，堵著該等葡萄个阿平叔，地泥項還放等一擔。佢原本按算自家拉四轉流籠，同葡萄載轉屋下，熱心个阿爸就同佢搵手，一儕同一籠葡萄共下坐過河壩。雨緊落，河壩水緊漲起來，大人企在大米籬肚緊拉索仔渡河；換佢愛過河壩咁，阿姆喊佢愛坐好。到河壩中央，該水嘎浸著米籬底，吾个屎脰黏時就沾著該冰冰涼涼个河壩水。看等該黃泥色个大浪拋等來，實在當得人驚，佢忍等毋敢噉，真無簡單正耐到岸腎。

這下想起該坐米籬沾屎脰个事情，好笑又心酸。阿姆講該當時，等在流籠頭个佢，乜驚佢會分水打走，硬硬忍敲一層皮咧呢！

編號 3 號

【目汁个故事】徐秀英原作

該日下晝，看著一張畫錫人个圖像——顯微鏡底下个目汁花。每一張目汁花看起來就像一隻細星球，頂頂个花紋每一粒都無共樣，有像雪花形仔个，有像石英結晶體个，也有像虛毛蟲个，又神奇又得人惜。攝影个作者講，每一滴个目汁，用肉眼看起來都係品亮品亮，毋過在顯微鏡下，喜怒哀樂个情緒變化都會顯現出無共樣个目汁花。自看著這篇文章後，每擺看著人出目汁，就會緊恸該後背个故事。

佢係一個「敷點」當低个人，歡喜會流目汁、感動會跌目汁、當讀个時節會敷、悲傷个時節會大敷。屋下人輒輒笑佢，目珠有安水龍頭，一擰開就嘩啦啦緊流，毋過難免會堵著目汁敷上¹个時節。就像有一擺用電腦打報告，作業速度一路開青燈，就在會完成个時節電腦當機，看等烏疏疏个屏幕，就像佢烏疏疏个失落心情。等到再開機，資料淨伸一半，該央時就恁仔目金金仔，看著在三更半夜，歸屋下人睡到當落覺，伸佢緊摳嘴，緊流出知差个目汁。

目汁係佢兜同外界聯絡情感个一種表達方式。故所，所有个關愛、期盼、悲傷、感動抑係夢想个故事，都做得真實傳達。在佢兜个生活裡背，輒常也會在車頭抑係機場，看著一幕幕無共樣个場景。該片有人送別親人遠去他鄉，離別个目汁張等思念同期待，又還有異多係牽掛同毋盼得；這片有人插等轉到个好朋友，該歡喜个目汁裡背，全全係再次重逢个快樂同幸福。佢想，目汁毋單淨係情感个出口，還有一種無形个力量，佢做得穿越時空，傳達溫暖同勇氣分思念个人。每一滴感動个目汁，都係關愛个力量同信念。

還細時節，自家當會起頓屈，打潑賴，去得著想愛个東西。阿姆講，目汁毋係武器，乜無應該係手段。這下佢知咧！目汁係珍珠、係鑽石、係親戚朋友無瑕个愛。

¹ 目汁敷上上：音 mug' ziiib' gieu song song；形容欲哭無淚。